



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

Martivs.

urn:nbn:de:hbz:466:1-44029

nauigare : vbi ærumnis maris fractus, in Philippinis tandem felix exul, exilium cum beata, vt spes est, patriâ commutauit.

MARTIVS.

P. Iacobus Antonius Basile.

Innocens illi pueritia, & adeò luculenta pudicitie inter æquales opinio, vt illo aduentante obticerent ij qui fortè licentiùs de ijs aliquid dicebant quæ castis auribus placere non possunt. Eius Mater Societatem ingressi Neapoli, & studentis sui Iacobi Antonij videndi desiderio tenebatur. At ille, misso illi Barium crucifixi Christi simulacro, monuit vt illum sui loco aspiceret, quoties Iacobum Antonium vi-

*Italus.
apud Papygochos.
Martio.
1652.
ætat. 43.
Soc. 22.
Castitas.*

Crucifixus.

dere optaret. Mexicum anno 1642. exeunte appulsus, post Mexicanum Archiepiscopatum felici eloquentiâ, industriâ, sudoribus irrigatum, ac excultum, P. Cornelio Beudin. nuper occiso in Apostolici muneris laboribus successit, ac omnes illius officij partes abundè implevit. Verùm ab Ethnicis arctam legis Christianæ semitam exosis, & libertatem querentibus, eo ipso tempore quo Christianos poenitentiae Sacramento expiabat, obtruncatus, & è crucis brachio in furcæ vsus conuerso suspensus est, licèt tum iam mortuus; Hispanis quoque ac Indis Christianis vnâ delictis. Inter litandum eo ipso quo cæsus est die, sublata in altum ab eo pro more

Fides .

Sacrum.

re diuina hostia, visa est pa- *Euchar.*
lâm cruento circulo circum-
dari; & super sacrificalem
mappulam deposita, illam
etiam sanguine cruentauit.
Ad hæc, plures Indi id à se
oculis ipsis conspectum af-
firmauère, quòd è pectore,
seu ore, morientis P. Basilij *Mors.*
pulcherrimus infans, comi-
tibus duobus alijs alatis par- *Angeli.*
uulis, in cælum ferri sit vi-
sus, postea in alto ex oculis
euanelcens.

P. Robertus Southuellus.

Societatem idcirco desi- *Anglus.*
derabat, vt in ea tres, vt ip- *Londini*
se aiebat, Virginis, Doctõris, *3. Martij*
Martyris laureolas conse- *1595.*
queretur; eapropter deside-
rio magno Indias quoque
complexus: Candidè ali- *Vocatio.*
quando affirmauit, nihil se à
Deo votis irritis petijisse. *Oratio.*

In.

In Anglia per sex annos in Euangelij laboribus, per tres alios in carceris ærumnis vixit, vtrunque Apostolus; & calamo, comitate, linguâ, virtute amabilis. Obstupere hæretici eius in diris tormentis tam forte silentium, cum tentus fuisset, quia Sacerdos Catholicus. Plus quàm decimò equuleū sustinuit, serenus tamen semper ac sibi constans. Vnde à custodiæ Præfecto Sancti nomen tulit. Solemne illi fuit dicere: *Deus meus, & omnia! Deus se tibi; tu te Deo.* Particularis examinis nunquam obliuiscébatur, punctis acu notatis; & alijs quoque arte illud exequendi scitè instructis. Mortis acceptâ sententiâ, cum suam pro illo iuuando operam

of-

*Patientia.**Fides.**Oratio.**Examen
partic.*

offerrent concionales ministri hæretici, detrectavit; & lætus ad mortem raptatus est, cum Christum allocutus diceret se honore tanto esse indignum. Iam moriturum, interpellabat adhuc hæreticus clamator, seu minister; at Robertus nullo eum alio verbo dignatus est, quàm *se Catholicum moriturum*. Posteaquam suspensus, deiectus, & carnificatus est, aiunt illius cor subsultare visum inter manus carnificis, è pectore iam euulsum. Quàm dira tormenta sit perpeffus, vel ex eo conijci potest, quòd, ob inhumanam illam scuitiam, Toplifus quæstionibus tormentisque illis præfectus, in custodiam sit coniectus.

Fides ..

Cor ..

P. Ioan-

P. Ioannes Ogilbeus.

*Scotus
Glasque
10. Mart.
1615.
ætat. 34.
Sæc. 18.*

Fides.

Græcij in Austriæ Pro-
uincia, Philosophiæ Theo-
logiæque curriculum, multâ
& ingenij & virtutis laude
confecit. Anno 1613. in
Scotiam penetrauit; pluri-
busque ad orthodoxas par-
tes ac Sacramenta perductis,
anno 1614. 14. Oct. in car-
cerem ea de causa detrusus
est. Pseudo-Episcopus ala-
pam Ioanni infregit, obie-
cto furenter, instar criminis,
quòd missas Papisticas cele-
brare fuisset ausus in Vrbe
reformata. Cùm infestis
vnguibus, & vi variâ vexa-
retur, miranti cuidam quòd
hæc optaret, vltròque inui-
taret potiùs quàm timeret,
respondit; omne supplicium
in hac causa sibi triumpho
nobilis instar esse. Multa

va-

variè, atque astutè interrogantibus, respondit doctè, cautè, ingeniosè, promptè, Catholicè, ac sæpè iucundè. Obiectantibus; læsæ maiestatis crimen haberi, dicere quòd Pontifex habeat iurisdictionem spiritualem in Anglia; respondit: esse de fide quòd habeat. Num id chirographo testari, seu subscribere auderet, petenti; respondit: Etiam sanguine. & subscripsit. Fame deinde longâ, multis ærumnis, & coortis inde febribus; disputationibus quoque, vexatus, ferreæ ducentarum librarû perticæ duobus annulis in-nexus, muneribus inuitatus; post pollicitationes, & minas, per octo dies dormire non permissus (cùm interea semper stylo, aciculis pun-ge-

Patientia. geretur, ac vellicaretur) admirationem mouebat, quòd lætè benediceret ijs qui ei malè vel dicebant vel faciebant. Dicentibus; missas à Rege prohibitas esse; respōdit: à Christo esse imperatas. Reus mortis pronunciatus, quòd missas celebrasset, ac ad fidem Papisticam, quempiam adduxisset; ei qui eapropter pronunciatam in illum mortis sententiam, illi nunciauit, (vti & carnifici) amplexum, & omnibus alijs gratiam, reddidit. Patibulum amplexu, & osculo veneratus, post fusas preces, spiritualem Papę iurisdictionem iterùm affirmauit. Ministro petenti, num adhuc doctrinam Papistarum teneret de cultu & inuocatione Sanctorum, respondit: Se hoc
fir-

Fides.

firmiffimè tenere quod do-
ceret Ecclesia. Inter con-
scendendum scalas ad furcã,
orabat attentè, Deipare Vir-
ginis, & Sanctorum opem
implorans, & spem suam in
Christi sanguine fitam esse,
dicens Anglicè ac Latinè.
Suspenso illo, coortus est
clamor, pœnas infontis san-
guinis non à populo, sed ab
ijs qui eius rei sunt, repe-
tendas esse clamantium. Fu-
ne resecto, corpus loculo in-
clusum, in reorum loco est
conditum.

P. Emmanuel Barretus.

Quintodecimo ætatis an-
no in India Societatem
iniit, spiritualis postea in ea
Coadiutor. Iaponiæ vtilem
dicendo industriam nauans,
idoneum planè ingenium,
atruhit ad operas animarum
Chri-

*Lusitanus:
Quanti in:
Iap.
11. Mart.
1620.
ætat. 56.
Soc. 41.*

Fides.

Christo ac Ecclesie in gremium adductarum per plura regna vastae Iaponie. A Cubotama in exilium relegatus, alio schemate quam exierat, dissimulantiâ insigni redijt; & Christianos variè fouens, atque confirmans, in summa rerum ad vitam degendam necessariorum penuria, inter confertissimos labores ærumnosæ vitæ finem imposuit.

P. Gonsalvus Sylueria.

*Lusitan^o.
Monomota.*

*15. Mart.
1561.
ætat. 35.*

Morsif.

Illustrissimis ortus natalibus, tertio antequam natus est die, vagire in utero auditus est à matre. Vino semper abstinuit. In tirocinio vt se deformem redderet, supercilia rasit. Sæpè ferreo cinctus cilicio, humi, saxo pro cervicali vsus, decubuit. Cibarij panis frusto
con-

contentus pro prandio, sæpius in die dicebat ad populum. Mabatano in oppido multos baptizauit: & ex vero prædixit, ibi nunquam defore Christi cultum. In vico Bamba, agrum Cafrem baptismo expiauit, & simul repentè sanauit. Disertè prædixit; se in odium fidei suspendendum; corpus abijciendum in aquas. hoc indicabant Vlyssiponæ illius manus cruore rubere visæ cum inter sacrificandum, pro more, calicem eleuaret. Monomotapam 26. Decembris ingressus, postea ad Regem (qui *auri Imperator* dicitur) admissus, admirationi fuit, quòd oblata sibi dona, quæ alij admirantur & optant, non admitteret. Elegantem Dei Matris imaginem Regi do-

Prædictio.

Sacrum.

*Paupertas.
B. V.
imago.*

*Loquitur**non intel-
ligitur.*

donauit; cui suæ imagini si-
millima Beatissima Virgo
Regi se coram per quinque
noctes spectabilem stitit,
illum sapius allocuta: sed
Rex illam à se non intelli-
gestus coram Sylueria, di-
dicit ab eodem; caeleste esse
illud loquētis Virginis idio-
ma, nec intelligi nisi à ba-
ptismo lustratis. Etverò
Sylueria Regem ac Matrem
id flagitantes, priùsque in-
structos, sacro fonte expia-
uit. Sed Regis à suis sectæ
suæ timentibus decepti ius-
su strangulatus est. Reper-
tum in occisi cadauere cili-
cium ferreum; quod illi ma-
gicum quodpiam instru-
mentum sunt arbitrati. Tum
fune raptatum in Motetem
annem abiecêre. Aiunt, cro-
codilos in aqua illa ferociã
ab

ab eo tempore posuisse, nec
vlli noxos fuisse; lucem quo-
que visam aquæ illi in aëre
imminere. Morti addidi-
cebantur, fidei odio, quot-
quot à Sylveria Baptismum
susceperant: sed Rex tran-
quillatus, & condoces factus,
doluit patrata cædem Syl-
veria innocentis, ac duos
eius necis autores capitali
sententiâ dānavit: alij quo-
que variè interière. Hæc
eius mors. Vita verò fuit *Oratio.*
mera oratio, & sui afflicta-
tio. Vlyssiponæ inter oran-
dum aliquando sublimis in
aëre pendere conspectus est.
Intra diei spacium semel ac *Confess.*
iterùm, aliquando tertio, *quotid.*
confitebatur. Quolibet fe- *B.V. festa.*
sto Deiparæ, Ave MARIA
millies repetebat, genu sub-
misso sub initium salutatio-
nis.

Mortific.

nis. Perpetuus illi thorax
 cilicinus, ferro quoque acu-
 leis horrido aliquando adie-
 cto. A flagris quotidianis
 toto dorso vnum propè vl-
 cus fuit. Virgis (rotas vo-
 cant) se cædebat ita vt ietus
 vnicus sanguinem eliceret.
 Oleo quopiam perunctum
 dorsum, postea idcirco per-
 fanabat, vt idoneum fieret
 iterum nouæ sæuitiæ; quam-
 uis partes etiam alias cruen-
 taret. Breui, & valdè incom-
 modo somno, crasso & sæpè
 amaro cibo, vtebatur. Dor-
 miebat sedens erectus cum
 vicina ad caput tabulâ, quæ
 ab annuente dormientis ca-
 pite contacta strepitum cie-
 bat, somnumque fugabat.
 Saniem è putrido famuli
 crure collectam, cum se hor-
 rere aduerteret, totam
 ex-

*Somnus.**Aegri.*

ex
 Se
 C
 fit
 ni
 pa
 ie
 G
 lu
 di
 ba
 ca
 ac
 vfo
 aq
 ra
 tu
 im
 pe
 tu
 inc
 xa
 te
 au

exhaustit, exemplo S. Cath.
Senensis, atque S. Xauerij.
Cùm Prouincię esset Præpo-
fitus, per viginti dies, non
nisi semel quotidie, idque
pane tantùm, & aquâ, soluit
ieiunium; vt Deus Præposito
Generali mentem inderet, il-
lum ab eo munere liberan-
di. In Missionibus peragra-
bat itinera primùm laceris
calceis vsus, deinde nudipes
ac mendicus. Ad collum
vsque vadum ingressus, per
aquas ibat, sacrificali appa-
ratu manu in sarcina in al-
tum elato. Iangamæ poma
immatura, eòque acerba, re-
pentè in manibus eius ma-
tura suauitatem mirabilem
induebant. Plus quàm se-
xaginta annis post eius mor-
tem candidum eius cadauer
aues vario colore spectabi-

Ieiunia.

Humilit.

E les

les, choris velut alternis custodire conspectæ ; cantu quoque suavissimo accinentes, alijsque aliæ ad eas excubias succedentes. Senex piscator aiebat tigrides quoque ac feras alias corpus illud (quod trunco alligatum, veste nigrâ, pileo clericali insigne ex aquis in ripâ eiectum erat) in dorso sustulisse, atque in sylua deposuisse, custodiâque sepsisse. Quinque aquilæ etiam ibidem visæ vicinæ corpori, securæ à feris, quæ magna erga illud cadauer signa reverentiæ edebant. quæ omnia refert Barbuta Proregis Secretarius accepta à testibus oculatis.

Aquile.

Gallus.
in noua
Francia.
 16 Mart.
 1649
 etat. 56.
 Soc. 32.

P. Ioannes Brebeuf.

Apud Hurones in noua
 Francia permultum labora-
 uit

uit ab anno 1626. Irruentibus in Hurones Christianos Iroquæis, fugam oblatam non admisit, vnâ cum P. Gabriele Lallemant; ne suas oues desererent. Dum inter Christianos, ac barbaros Ethnicos arderet præliû, hi duo animas expiabant, alter baptismi, alter pœnitentiæ Sacramento. Captis ergò, atque nudatis Ioanni & Gabrieli, euulsi sunt vngues aliquot, & inflicta subdibus verbèra per singulas corporis partes; P. Ioanne ad Christianos ita dicente:

Fily, dum patimur, sursum in calum oculos eleuemus. Videt hæc remunerator Deus. Moriamur fortes in fide. Gloria erit aterna.

Tum illi præcisæ manus, os contusum lapidibus, lingua adusta. Vtri-

E 2 que

Fides.

Patientia.

Silentiū

que sub alas, & ad renes, ab igne candentes secures admotæ; ignita è collo appensa collaria, è quibus candentes secures pendeabant; adiectū cingulum accensum è pice & resinatis corticibus; Ioanne interea, fortissimo silētio, stante inter flammæ immoto, velut in extasi. Tum loqui cælestia, quæ poterat, incipienti os obseptum circulo, labra concerpta, truncatus nasus. In baptismi opprobrium, & imitamentum, vterque aquâ bulliente perfusus totus; obiectantibus barbaris; debere sic eos baptizari, quòd sinè baptismo nulla sit salus. Antequàm ferali palo alligarentur, palum vterque amplexus est, & osculatus. Mox Ioanni detracta superior pellis è
ver-

vertice capitis, amputati pedes, caro è coxis ad ossa vsq; auulsa, mandibula securi diffissa, ferro vsq; plagæ; utriq; dissectum generosum pectus, euulsum cor nobile, atque à barbaris deuoratum. Ioannes eò appulsus neminem, ibi reperit Christianum; moriens verò reliquit facile septem millia. Decem annis ante mortem, voto nuncupato, & quotidie renouato, sponondit; se in singulis quæ ageret, id quod perfectius esse intelligeret, curaturum. Diu, & sæpè flagrabat desiderio ea omnia quæ vnquam vlli Martyres passi sunt patiendi. Vidit admirandi splendoris regiam, eamque ijs paratam esse factus est certior, qui ob amorem Dei in casis humilibus

Fides.

*Intentio
recta.*

Pati.

*Humilitas
Amor Dei.*

ab
id-
nfa
tes
stū
e
n-
o,
o-
o-
n-
u-
a-
p-
n,
r-
us
a-
no
L
a-
t,
ni
è



Castitas. habitarent. Castitas illi semper vt illæsa pupilla oculi, etiam in illo regno nudæ liberæque libidinis. Dæmonem faminæ specie personatum, & ad illecebras inuitantem, silentio, ac signo crucis fugauit. Infernum se malle aiebat, quàm vel

Veniale pecc. vnum veniale peccatum; quia illud Christo displicet, estque vnicum malum Dei & hominum. Quodam die percussus à barbaris, vesperi gratias agebat Deo: & videre sibi visus est Beatissimã Virginem tribus in pectus defixis ensibus doloris plenam; audiuitque in cor loquentis Dei vocem quã inuitabatur ad B. Virginem imitandam; quippe quæ semper fuerit conformis voluntati Dei. Quocirca votum

con-

concepit coram SSS. TRI-
 NITATE, Beatissimâ Virgi-
 ne, & S. Iosepho, ac demum
 coram omnibus Sanctis, &
 particulatim corâ SS. Igna-
 tio atque Xauerio, se, vbi id
 per obedientiam licuerit, nō
 declinaturum, si martyrij oc-
 casio quæpiam offerretur.
 In Beatissimæ Virginis fa-
 cello inter comprecandum
 vidit in suis ac sociorum ve-
 stibus maculas sanguineas.
 Dæmones illi leonum, vr-
 forumque instar conspecti;
 homines item armati, atque
 minaces. 23. Augusti post
 recitatas B. Virginis Lita-
 nias vidit cateruas demonū,
 qui illum deuoraturi vide-
 bantur; sed nihil potuere.
 Mortem aliàs ita vt pingi *Mors.*
 solet coram se cōspexit, quæ
 illi, furix instar, spiculum

*Sancti.**B.V.**Christus
Coronatus
Spinis .**Lingua.**Cor .*

minaciter intentabat . Sæpè illum Beatissima Deipara , S. Ioseph, Angeli, Sanctique alij inuisère . Editum quoque montem spectauit Sanctis vndique coopertum; in cuius vertice Sãctorum omnium Regina sedebat . Aliàs vel solâ Deiparæ veste , aut eius vestis orâ, cõspectâ, sentiebar se lumine quodam perfundi; nec audebat oculos ad ipsam eius vultus maiestatem attollere . In exercitijs anni 1634. Christum spectauit spinis coronatum; audiuitque dicentem : *Habebis deinceps unctionem spiritus in verbis tuis .* Aliàs cor sibi velut oleo perungi sentiebat . Diuinitatem meditans , Christum videbat, audiebatque docentem, atque monentem . Inde in
Chri-

Christi corde mirificè ac-
quiescens exardescibat in *Examen.*
Deum. Anno 1640. 27. Maij
sub festa Pentecostes vespe-
ri sub examine vidit ferè per
Psalmi quinquagesimi reci-
tati spacium rosam colore
pulcherrimam: sentiebat se
in arcano pectoris valdè ac-
cendi, & mirè omnia circū-
quaque ardere. Sæpè Chri-
stum spectavit in lumine, sæ-
piùs in cruce, vel cum cruce;
quam Christus etiã in Ioan-
nis humeros deponebat.
Tunc benè, aiebat, sperabo *Cruce*
de mea salute, cùm se mihi *Pati*
dederint occasiones patiēdi
quàm plurimæ. Apud po-
pulos Neutros, anno 1640.
in hieme asperrima crux va-
stæ molis illi obiecta ex ea
parte quæ ad Hiroquæos
erat. Sæpè videbat inter

*Lectio spiri-
rit.**Obed.**Mortific.
Oratio.*

orandum vesperi permultas
 cruces. Auditâ intus voce;
tolle, lege; manè aperto Tho-
 mæ à Kempis libello incidit
 in caput *de via regia Sanctæ
 crucis*. Inde illi mirum in-
 modum tranquilla pax, &
 lux inter tot aduersa diluxit.
 Sæpè arcana cordium intro-
 spexit, & futura præuidit.
 Optabat in tirocinio fieri tē-
 poralis adiutor. Aiebat; se
 alieno nutu non minùs sua-
 uiter duci quàm paruulus
 sedeat in sinu matris suæ.
 Domi agebat sæpè coquum,
 seruum, mancipium: dies illi
 totus laborum plenus. no-
 ctu verò erat pernoctans in
 oratione Dei. Quotidie in
 se flagris sæuiebat: atque ad
 orandum non minùs accura-
 tè se preparabat quàm si
 tunc primùm orandi artem
 con-

condisceret.

P. Gabriel Lallemand.

P. Ioannis Brebeuf per 6. menses in Apostolicis apud Hurones laboribus, ac tormentis fidelis socius. Parisijs patritio sanguine natus, tener corpore, innocens animo, promptus ingenio, se diuino amori frequenter in holocaustum dicabat, id à Deo vnicè flagitans, ne què è sua familia perire sineret in æternum. Age, aiebat ad seipsum identidem, age, anime; pereamus sanctè, vt dulcissimo Iesu cordi vel sic iucunditatem quam possumus pariamus! dignus est Iesus pro quo aspera omnia perferamus. Apud Hurones Atironta illi nomen. Præter toleratas candentes secures, & alia quæ in Ioanne heri

*Gallus
ibid.
17. Mart.
1649.
ætat. 39.
Soc 19.*

Charitas.

Fides.

narraui, acutis suffixis subu-
lis est excruciatuſ. Effoſſi
illi oculi, & eorum loco in-
cauum orbium oculorum,
carbones ardentes inſerti:
totum corpus reliquam igne
toſtum, caro vndique lacera
& à barbaris vorata.

P. Raphaët Ferrer.

Hispanus.
in Ameri-
ca.
Martio.
1611.
ætat. 45.
Soc. 24.

Lectio.

Conciones.

Ex Aragoniæ Prouincia
in Peruanam translatus, mo-
deſtiæ ac paupertatis præci-
puo ſtudio capiebatur, la-
chrymis vbertim cadentibus
plenus: quoties diuinæ aræ
ſacrificium celebraret, imò
ſi vel litanias recitaret, aut
pium libellum quempiam,
leſtitaret. Miſſiones illas
optabat quæ magis arduæ
videbantur. Populū in tem-
plo ad ſcenicum ſpectacu-
lum congregatum vt ab eo
ſpectaculo abſtraheret, in ſce-
nam

nam cum crucifixo prodijt,
& tenerrimam omnium cō-
plorationem dictione arden-
tissimâ concitavit, ac spe-
ctaculum impediuit. Cofa-
nes, diros populos, adiit; &
ex ijs. quadringentos ad sa-
cri fontis Sacramentum
pellexit. oppida tria condi-
dit. Barbarorum nonnulli
simulatâ specie amicitiaē illi
per iter obuij, & gratulati,
illum, ob fidem peregrinam
prædicatam, in aquam men-
se Martio per pontem dedē-
re præcipitem. Literæ de
illo submerso datæ 18. Mar-
tij.

18. Martij.

P. Antonius de Andrade.

Ab anno 1600. in orien-
tis India impiger laboravit.
Iter in Tibet suscepit penes
Gangem, per cæca, varia,
horrida itinera reptabundus

Lustanus,
Goæ.

19. Martij.
1634.

atat. 54.
Soc. 38.

*Itinera.**R.V.**Fides.*

inter frigora tam acria vt ei
 digiti pars congelata deci-
 derit. Tandem in montem
 excelsum euasit, vbi Gangis
 natalis est locus. Rex Ti-
 betanus ad bellum profe-
 cturus, ad Antonij se pedes
 abiecit, benè sibi ab eo dici
 petens. Templum *Beatissi-
 ma Virginis à spe* ibidem cum
 conderet, ipsi Proceres Ti-
 betani operas adiuuabant.
 Agro inter summos dolores
 conspecta Deipara dolorem
 omnem absterfit, cum dixit:
*iam, fili, nihil tibi dolebit am-
 plius.* Veneno demum in-
 zeriit, in morte iterum Dei-
 paræ præsentia & allocutio-
 ne recreatus. Venenum se
 illi porrexisse gloriatus est
 filius cuiusdam, in quem,
 tanquam suspectum & no-
 ratum de hæresi, multa ege-
 rat,

rat, eratque acturus Antonius à Sacra Inquisitione Deputatus. Depulso, eius nomine ac ope post mortem imploratâ, morbos fama est constans. Ita P. Albertus Mescinski febrem semestrem discussit: & mulier transuersam in utero prolem, breui felicique nixu enixa est, ac exempta periculo: alterius tumidum genu ad P. Antonij sepulchrum confestim confanuit. Illud quoque mirum, quòd eius cadaver seorsim ab alijs conditum, in imposito marmore suam effigiem, tanquam coloribus expressam, reliquerit: id quod veneni vi factum existimabant nonnulli; sed aliter sensere, cum effigiem illam è marmore eradi non posse viderunt.

*Imago in
sepulcro ..*

P. Man.

P. Mancius Firabayasi.

Japon.
Nangasacki.
Martio.
1615.
ætat. 44.
Soc. 20.

Fides.

Patientia.

Mors.

Philosophicis, ac postea per biennium Theologicis eruditus disciplinis, in patria pro religione multum boni fecit, & multum mali perpeffus est; ut benè faceret genti suæ. Sub Daifui tempestate inter eos fuit qui in Iaponia clandestini se occultare sunt ausi, quò Neophytos in fide firmarent. Labores, & magna rerum, necessariorum penuria illum tandem prostrauere. Dolorem, quos acerrimos patiebatur, condimentum fuere celestes deliciae, quibus perfundi se persentiscens, dulcissimè in illa Iobi verba sæpius soluebatur: *Hæc mihi sit consolatio, ut affligens me dolore, non parcat.* Hisce sæpius repetitis optabat tener-

nerrimè ad IESV, ad MA-
RIÆ conspectum quanto-
cyùs euolare. & euolauit nō
finè singulari suauioris læti-
tiæ significatione.

P. Antonius Rubinus.

Animarum ac martyrij
desiderio flagrans, agebat
quicquid poterat, vt animas
lucraretur. Loquebatur, &
scribebat insigni expressio-
ne suauissimæ teneritatis.
Ego, scribit, pro Christo mo-
ri non mereor: sed ipse di-
gnus est pro quo omnes
moriatur. Si me videre,
atque alloqui vultis, oculos
in Crucifixum Christum de-
figite: ibi me inuenietis ad
pedes cum Magdalena abie-
ctum, & peccata mea gran-
dia deplorantem. illis sa-
cratis pedibus me totum
contradidi: in illis dormio,

*Italus .
Nangz-
sachi .
22. Mart.
1643.
ætat. 65.
Soc. 43.*

Crucifix^o.

& viuo; illos complector, & dico: Da mihi, Domine IESV, vt sequar tua vestigia.
 21. Augusti cum socijs appulit Nangasachum anno 1642. Captus vnà cum illis, cum omnes interrogarētur; an velint omnes nuncium Christo remittere, & à Rege honorari? Respondit Rubinus interpreti, suo nomine ac suorum; nec se, nec socios, vlllo pacto vnquam, id scelus in animum admisso: absisteret cum hisce vocibus, atque facesseret: se, ac socios ad Christum prædicandum aduenisse, quicquid minaretur Iaponig Imperator. Ergò in carcerem conditi omnes. post multa quæ istic perpeffi sunt, per totos septem menses destinatis diebus ingestæ in

os

Fides.

os maximâ copiâ, & mox
acerbissimâ cum violentiâ è
corpore expressæ aquæ tor-
mento sæpiùs excruciatì, tã-
dem 17. Martij anni 1643.
palàm circumuecti sunt cum
adscriptâ causâ supplicij :
*quòd Christi fidem prædicatum
venissent contra edictum Im-
peratoris.* In scrobem ca-
pite demisso, sublatis in al-
tum, alligatisque pedibus
pendere suspensi: & hoc
die primus P. Rubinus de-
sijt viuere, socijs in dies pro-
ximos eandẽ fortissimè mor-
tis gloriam profecutis. Cor-
pora illorum concisa, & cõ-
busta sũt, cineribus in aquas
dispersis ad obliuionem. In-
ter sacrificandum religiosè
tener Antonius illiquefactis
è cęlo voluptatibus perflue-
bat, & sacrum calici substra-
tum

Sacrum.

*Euchar.**Mortific.*

rum linteolum lachrymis
adeò affluēter perfundebat,
vt postea cadentes pias la-
chrymas strophiole excipe-
re iuberetur. Cænæ loco
ibat ad SS. Eucharistiæ Sa-
cramentum; & ibi cænæ tē-
pus omne orando ducebat.
Vix intra biduum semel (id-
que præparcè) vescebatur.
Vini autem portionem ne se-
nex quidem admisit.

*P. Petrus Romerus.**Hispanus.*
apud Ita-
*lines.**22. Mart.*
1645.
*ætat. 60.**Fides.*

In Paraquaria puicherri-
mos labores maximo egre-
giæ operæ pretio exantla-
uit. Missus ad Itatines In-
dos, ibi ab irruentibus In-
dis alijs, macanâ, seu clauâ
lignâ, in humero validè
percussus, Iesum clamans,
in capite demum istus con-
cidit. Inde illi euulsa præ-
cordia; & præciso iugulo
lin-

lingua extracta.

Matthæus Fernandez. *ibid.*

P. Petri socius, & interpres, vnâ cum illo ibi contrucidatus.

P. Albertus Mescinski.

Romæ in tirocinio de Beatissima Virgine sæpè, ac mirâ rerum affluentia sermonem ferens, nouas illam augustius colendi artes afferebat in medium. Cubiculum ingressus, vel egressurus, facie ad S. MARIE Maioris (quod propè abest) templum conuersâ, eam venerabatur; Nouitijs exemplum imitatis, vt ferè id fieri amat. Cùm luculentâ hæreditate Societatem in Polonia iuuisset; *Iam, inquit, nihil habeo, nisi sanguinem quem dem Deo meo.* Et dedit; quando, post insigne studium in animarû

Polonus.

Nangasachi.

23. Mart.

1643.

etat. 42.

Soc. 22.

B. V.

vti-

utilitates collocatum, cum P. Rubino (de quo heri dixi) tormenta plura per 7. menses Nangasachi perpeffus, inuerfo in fossam capite pependit, hodiè demum extinctus. Ex Lusitania in Poloniam, iussu Præpositi Generalis, mirum quàm opportunè redierit, vt se tribunali sifteret agnoscendum, litemque Societati intentatam dirimeret. Inde maximis itineribus in Lusitaniam, adeòque in Iaponiam, ad decus illud mortis tam longæ, tam inclytæ properauit.

Italus.

P. Antonius Capetius.

Hispanus.

P. Didacus de Morales.

P. Franciscus Marquez.

Iapon.

Nangasachi.

25. Mart.
1643.

Quæ 22. Martij de P. Rubini tormentis dixi, eorum socij gloriosi fuère hi quoque.

que. Iam nonus labebatur dies ex quo in scrobem capite pronò pendebant hi tres, Patribus Rubino atque Mescinskio adhuc superstites: cùmque in Christi confessione porrò perstarent, hodie demum capite truncati sunt. Aiunt Rubinum, Mescinskium, atque hos tres, Iaponicum aquæ tormentum facilè centies & quinquies perpeffos.

P. Antonij Capetij virtus familiæ decora nobilitavit. Neapoli, anni vnus intervallo duodeuiginti ex illius disciplina futiles mundi lætities execrati religiosa castra secuti sunt. Causam rogati; vel ipse, aiebant, magistri nostri aspectus, ingens nobis calcar est, vt à mundo ad Deum transuolamus.

P. Mar-

Pia colloquia.

Exemplū

P. Marcellus Mastrillus de illo scribens, illum Angelū, ac thesaurum vocat: laudat illum ab incredibili in suum corpus hostiliter afflictum, odio; aitque fore sigillum, atque honestamentum gloriarum nobilitatis domesticæ. Denique, inquit, Spiritus Domini est cum illo.

Mortif.

P. Didacus de Morales ob assiduam in corpus sævitiam fuit sacro quodam pallore spectabilis; ac in docendo, regendo, & Christum prædicando planè singularis. Indiam petiturus, parentes, vicinos licèt, ne inuisit quidem; nec vllas postea epistolas ad illos dedit; vt amorem carnis, & sanguinis totum vnicè Christo transcriberet.

atq. 35.

P. Franciscus Marquez Nã
ga-

ga
no
Re
or.
So
de
Be
Da
pa
Ac
pe
pe
vt
mi
no
na
po
ac
rin
fac
lar
ste
cer
iar

gasachi natus patre Lusitano, matre autem à Iaponico Regum Bungi sanguine suas origines repetente. Cùm ad Societatem aspiraret, eius deliberationis ducem elegit Beatissimam Virginem quæ *Dux* dicitur, & Macao abest passibus mille quingentis. Ad illam ea de causa exhibat per nouem dies continuos peregrinabundus & supplex, vt eius ductu bonus IESV miles esse posset. Extremo nouendialis illius peregrinationis die, cùm fieri haud posse crederetur, vt, ob dirè ac variè sequentè cæli asperimi tempestatem, pietati suæ facere satis posset, dissimulanter iniectâ sibi mēdici veste personatus ad suam Duce[m] abiit, seque illi nono iam die præsentem ac ineun-

B.V.

Nouendia
B.V.

F dæ

dæ Societatis Iesu cupidum
stitit, breuè ad illam adlectus.
Mira illi affluentia lachry-
marum, cum legeret Marty-
rum tormenta, vel diuinum
Sacrificium celebraret. Ago-
ne nobili per nouem dies
(velut nouendiali vitæ Deo
consecratæ sacrificio) per-
functus est pendens in scro-
bem è pedibus; & certamen
demum gladio consumma-
uit.

P. Ioannes Sandeus.

*Belga .
ad Rhenū.
30. Mart.
1622.
ætat. 40.
Soc. 21.*

Fides,

Orandi studio, animarum
ac multa patiendi desiderio,
& mundi contemptione cū-
primis excelluit. Ad Castra
Cæsarea, vt Catholicos istic
operâ omni iuuaret, missus,
inde redux, ab hæreticis, fi-
dei Catholicæ ac Societatis
odio, ad Rhenum tribus glo-
bis ictus cecidit, Vvepstadij
ho-

n
F

b
r
E
s
q
a
m
li
q
q
c
&
t
le
st
n
m
st
u
ti

norificè tumultatus.

Franciscus Martinez. Scholasticus.

Macai natus, & liberalibus disciplinis apud nos eruditus, ac Societati adiunctus, post labores fidei causâ susceptos ab apostata quodam proditus, & falsò accusatus quòd proditor & magus esset, quòdque oculis se cùm vellet subduceret, quæstioni subiectus est. in qua ligneis vectibus arctè constrictis pedum calcibus, & verberatis, in atrocissimo tormento tenuit mirum silentium. Socios etiam Christianos innocentes quæstioni subiectos monuit, yt meminissent, mendacium Christianâ lege esse vetitum: cauerent ergò dum minora timent, maiora tormenta sibi

Sina.
Cantone.
31. Mart.
1606.
ætat. 33.
Soc 15.

Mendacium.

Mors.

accerfere . Semel, ac iterum
 dire verberatus, in iplo car-
 ceris in quem reducebatur
 vestibulo vi dolorum pro-
 stratus, innocentem animam
 fortiter expirauit, ipsâ Chri-
 sti morientis horâ, vt perhi-
 bent: & cum ipsis manicis
 atque compedibus, ita vt
 vinctus erat, sepultus est.
 Orandi assiduitate supra lau-
 des alias insignis emicuit .

APRILIS.

*P. Gaspar Osorius de Valde-
 rauano, &*

P. Antonius Riparius .

*In Para-
 quaria.
 1. April.
 1639.*

IN Paraquaria vterque
 fœcundis pro religione
 sudoribus inclytus prosperè
 laborauit; & in Ciaccorum
 Prouincia, ob damnatas aui-
 tas gentis superstitiones,
 vtrius-